

**Aktivis lancar BERSIH 3.0 di Mekah, Madinah**  
**MalaysiaKini.com**  
**April 26, 2012**

Sekumpulan aktivis hari ini melancarkan perhimpunan BERSIH 3.0 di dua kota suci umat Islam, Mekah dan Madinah, dua hari sebelum perhimpunan yang dirancang untuk diadakan pada 28 April di Kuala Lumpur.

bersih in meccaLidah parti PAS Harakahdaily melaporkan, pelancaran di kota Mekah itu yang disertai kira-kira 20 orang rakyat Malaysia itu dibuat di hadapan satu premis perniagaan di hadapan Masjidil Haram.

Pelancaran di Madinah pula dibuat di perkarangan Masjid Nabawi disertai kira-kira 30 rakyat Malaysia berpakaian baju kuning dengan logo BERSIH 3.0.

Kumpulan aktivis berkenaan turut mempamerkan kain rentang perhimpunan berkenaan.

Dua kota berkenaan merupakan antara lebih 70 lokasi perhimpunan yang akan dijalankan serentak dengan perhimpunan BERSIH 3.0 di Kuala Lumpur.

Copyright © 1999-2012 Mkini Dotcom Sdn. Bhd  
Source: <http://www.malaysiakini.com/news/196183>



